

華東稀見方志文獻 第八卷

中國華東文獻叢書



中國華東文獻叢書·第一輯

華東稀見方志文獻

第八卷

甘肅省古籍文獻整理編譯中心
中國華東文獻叢書編輯委員會
編

華東稀見方志文獻 第八卷

中國華東文獻叢書



本卷目錄

崑山縣志	〔嘉靖〕方鵬纂	〇〇三
惟揚志	〔嘉靖〕盛儀輯	一一三

【嘉靖】方 鵬纂

崑山縣志

〔嘉靖〕《崑山縣志十六卷》，明方鵬纂，嘉靖十七年（公元一五三八年）刻本（序）。白口，單魚尾，左右雙欄。半葉九行，行十五至十七字不等。

方鵬，字子鳳，又字時舉，號矯亭，生卒年不詳，崑山縣（今江蘇省崑山市）人。正德三年（公元一五〇八年）進士，授南京禮部主事，歷官南京刑部員外郎、山西提學副使、至南京太常寺少卿。著有《矯亭存稿》十八卷，《續稿》八卷。卷前有方鵬自序。

崑山縣志序

國朝修崑志者三人李志遠矣
蔣不足徵也惟顧爲近之而太
畧焉補其所遺續其所不及以
成一邑之完書此其時乎顧予
非其人耳前令楊侯仁甫不知
予之非其人也而專委之編次
垂成侯適以召去今侍御王
侯子正繼至請於郡守肅齋王
公刻而傳焉將使吏茲土者得
有所考以行其政是故按城社
則思守焉覈民數則思養焉訪

本志序

習俗則思教焉脩貢賦則思敬
焉稽祀典則思正焉前乎吏茲
土者善必特書之則思齊焉或
不書則思懼焉此二侯之深意
也抑吾崑民生物產與他邑等
耳惟人才之盛則寔倍之故於
是獨詳焉將使承胤緒者起象
賢之心共閭井者奮嚮往之志
鉅公碩儒接跡而出以增茲邑
之重斯其上也其次一命之榮
一藝之善亦得以廁名其間則
夫人皆當感發而興起以求自

本志序

異於齊民而後已也豈可生無
益死無聞而負此文獻之地哉
此則操筆者之微意也鵬也抱
痾衡門舊學荒落深懼採擇不
精紀載不備勸懲無法以孤盛
舉然秉公持正之心則不敢不
自盡矣以此獲罪吾知不免焉
而亦不敢辭也是役也楊侯倡
之王侯成之皆能以文飾吏者
而揭三尹夔梁文學介亦與有
勞焉法得附書

皇明嘉靖十七年歲次戊戌夏四

月吉旦

賜進士出身中順大夫右春坊右

庶子兼翰林院修撰

經筵講官編纂

御札同修會典前山西按察司副

使奉

敕提督學政致仕邑後學方鵬謹

序

崑山縣志凡例

一志固一邑之史然其體不同故於人片善必錄微瑕必掩有記載而無褒貶焉然褒貶亦自寓矣

一邑士大夫之賢者特爲立傳其事蹟簡少則系於題名之下或附見祖父傳末其可傳一也

一士夫貫籍兩京而實吾崑人者舊志俱載

今從之

崑山縣志凡例

一士夫分隸太倉而家于崑城如故者悉載不遺蓋弗忍遽絕之也

一名宦多從舊志有不得其事蹟之詳者姑撮其大旨於題名之下以俟後之君子決擇焉

一前志不書丞簿恐有志者無以自礪也今追錄之

一恩典昉於顧志可以爲忠孝勸也故仍之惟蔭子缺焉故補之

一援例入監者前志已載莫敢廢也曷爲而載之望其他日有以自立庶可考見耳死則無望矣故略焉

一二教事可傳者已間見雜紀中不復立傳一詩文必關風教係政體切民事者則錄之餘不盡錄

崑山縣志凡例

二

崑山縣志目錄									
第一卷	沿革	疆域	城池	風俗	戶口	田賦	土貢	土產	
第二卷	官署	學校 附祭器	壇廟	塚墓	古蹟				
第三卷									
第四卷	山	水	鄉保	坊巷					
第五卷	市鎮	橋井	第宅 附亭館	園池					
第六卷	寺觀								
進士	官守								

第七卷	鄉貢	歲貢							
第八卷	薦舉	恩典	蔭子	監胄					
第九卷	名宦	封爵							
第十卷	人物	名賢	節行	文學					
第十一卷	人物	政蹟	隱逸	孝友					
第十二卷	人物	列女	藝術	游寓					
第十三卷	雜紀								
第十四卷	集文								

第十五卷

集文

第十六卷

集詩

崑山縣志目錄

崑山縣志目錄

崑山縣志卷之一

沿革

崑山縣在蘇州府治東七十里禹貢揚州之

域周爲吳秦始置膠縣隸會稽郡舊有膠城

鄉疑即縣治今分屬嘉定葉子強題名記云

姑蘇新志云嘉定縣本古婁縣膠城鄉之地漢王莽改婁縣以婁

江得名今縣東北有婁縣村范志云或謂秦

鏐諱改婁縣非也漢書曰改於王莽時歷後漢吳晉宋齊俱隸

崑山縣志卷之一

吳郡梁天監六年分置信義縣隸信義郡今

邑西有信義村俗訛真義大同初改婁縣爲崑山

隸吳郡以縣有崑山故名今山分屬華亭界

隋開皇九年崑山信義二縣俱廢十八年復

置崑山縣隸蘇州按舊志殷不佞仕陳尚稱

梁或改於此時未可知也唐天寶十載太守趙居貞奏割

縣之南境置華亭縣大曆十三年升緊會昌

四年升望宋隸平江府嘉定十年太守趙彥

櫛提刑王棐奏割安亭等五鄉置嘉定縣元
元貞二年陞爲中州隸平江路時州治在馬
鞍山之陽延祐元年遷太倉至正十六年張
士誠僭據令僞將高智廣守之十七年知州
費復初復州治於舊所吳元年我

高皇命將討平張士誠本州歸附洪武二年
復改爲縣隸蘇州弘治十年巡撫都御史朱
瑄等奏割縣之湖川新安二鄉及惠安鄉之

天
皇
山
縣
志
卷
一

二

半置太倉州

疆域

東西四十五里

南北一百二十五里 共管里三百三十八

東至太倉州界二十里至太倉州治四十里

西至長洲縣界二十七里至長洲縣治七十

二里

南至華亭縣界八十里至華亭縣治一百五

十里

北至常熟縣界三十六里至常熟縣治一百

十里

東南至上海縣界四十五里至上海縣治一

百五里

東北至海一百五十里至崇明縣治二百九

十五里

西南至長洲縣界五十里

天
皇
山
縣
志
卷
一

三

西北至長洲縣界六十里

西至南京六百五十里

西北至北京三千八百里

城池

崑山舊城相傳吳子壽夢所築今無可考元
至正十七年方國珍犯境始築土城禦之四
週二千二百九十九丈凡一十二里有畸高
一丈八尺濠四週二千三百五十九丈深五

尺廣六丈城有六門弘治四年知縣楊子器

建樓其上名東曰賓曦西曰留暉南曰朝陽

北曰拱極東南曰迎薰西南曰麗澤

嘉靖中又於東門外置水關一座有門樓三間扁曰天風海濤

謹按揚行密遣將秦裴據崑山錢鏐使

顧全武益兵攻城以水灌之城壞乃降

則知五代之時吾崑猶有城焉及考凌

萬頃志乃謂縣境無城惟以竹木爲柵

不崑山縣志卷一

四

則知南渡之後城漸堙矣今之土城已

頽太半識者憂之或加以土或易以磚

今日之急務也司保障者留意焉

風俗

人有恒產不奢不儉

舊志云多奢少儉在宋時則然今不然矣

俗多淫祀

第五倫傳

士以及訟庭登酒廬爲耻

舊志

好學而知禮尚孝而先信

葉子強縣令題名記

崇尚禮遜無復好劍爭鬪之舊

凌志

競節物信鬼神

凌志

仕者重名檢薄榮利民務耕織漁賈鮮游手

游食之習

顧志

家知讀書人知尚禮君子以靜退爲樂而惡

久淹小民以含忍爲強而厭終訟

四時土俗與諸縣略同其稍異者歲朝以祖

考遺像懸之中堂男女叅畢始賀尊長更出

崑山縣志卷一

五

賀交親家具綵箋于案賀者書其名而出是

日或次日束薪于長竿爲高炬視火色赤白

以占水旱爭取餘燼置床頭謂宜蠶故名點

田蠶初三日無論貴賤俱赴城隍祠名謁廟

十五日衆集巴城寺占歲豐凶甚驗清明前

三日爲寒食夜男女俱赴新塋者之墓哭盡

哀以祭物埋土中而歸四月十五日爲山神

會五月五日用雄黃酒灑牆壁云祛毒虫六

月六日浴猫犬於河去蚤虱七月七日女婦以鳳仙花葉染指爲飾八月農家祭土穀神名青苗社冬至罷市交賀如正旦儀臘月二十四日掃房舍庖湑之所名打塵丐者儼於市除夜插蔴其於簷盡白灰於地以象弓矢用祛邪祟此一歲之大畧也

親友有疾共禱城隍祠名保狀有喪則發引之日相率祭於道退各享餘不煩喪主其最

厚者贈以舟輿傭僕布裘之類故喪禮易成焉

鄉村女婦最爲勤苦凡耘耨刈穫桔槔之事與男子共其勞官府有召則男子避去而使老嫗當之至於麻縷機織之事則男子素習焉婦人或不如也

戶口

宋祥符間 戶一萬六千三百四十八口一

十萬八千六百九十三

慶元間 戶三萬八千九百四十二口一十

二萬

淳祐間 戶四萬五千三百六十八口一十

三萬四千五百

元缺

國朝洪武九年 戶九萬九千七百九十口

三十九萬三百六十四

洪武二十四年 戶七萬八千八百六十四

口三十三萬六千五百五十九

永樂元年 戶六萬三千三百三十四口二

十四萬四千九百七十八

永樂二十年 戶六萬七千一百三口二十

三萬四百八十四

宣德七年 戶六萬三千一百九十口二十

四萬七百三十二

正統七年 戶六萬四千一百一十七口二

十三萬九千五百五十九

景泰三年 戶六萬六千六百三十七口二

十四萬一千二百五十一

天順八年 戶七萬三千三十七口二十三

萬八千七百九十一

成化八年 戶七萬六千八百六十九口二

十三萬八千七百七十九

成化十八年 戶八萬三千七百三十口二

十五萬一千四百五

弘治五年 戶八萬五千六百三十六口二

十六萬四千四百二十九

弘治十五年 戶七萬五千一百四口一十

六萬五千一百六十五

正德七年 戶七萬九千八百四十二口一

十三萬三千九百七十四

大邑縣志卷二

八

嘉靖元年 戶八萬五千七百九十二口一

十四萬四千七百九十七

嘉靖十一年 戶八萬一千三百八口一十

四萬七千五百五十五

謹按洪武初年亂極方治民數三十九

萬有奇成化弘治之間極其盛矣而反

不及其數何耶意者國初法令嚴密不

敢有漏籍者耳可以觀世矣

田賦

大邑縣志卷二

九

宋景德祥符間

夏稅丁身鹽錢三千六百餘貫

絹一萬五千三百疋紬七百七十疋綿一

千三百屯

秋苗米一十萬石有畸

慶元間

夏稅比前一倍其數

綿比前十倍其數

秋苗米比前加八千擔

嘉定間

夏稅折帛和買錢六萬三千一百三十三

貫九百五十七文

秋苗米五萬九千八百四十七石五斗九

升

咸淳間

天邑山縣志卷二

十一

夏稅絹七千一百四十疋三丈一尺二寸

秋苗米五萬四千四百五十七石二斗一

升六合

職田

知縣四百四十六石六斗一升

縣丞三百四十五斗八升

主簿二百三十九石九斗七升

縣尉二百二十九石八斗九升

監務巡檢以下田各有差

謹按凌志又有園田營田沙田籍沒田

常平田養濟局田居養院田囚糧田等

名無非取諸民者姑記其畧

元本州該田一千六百四十五園延祐四年

行經理之法悉以上中下三等八則計畝

起科

職田

天邑山縣志卷二

十一

達魯花赤并知州每員職田四頃

同知州判提控案牘都目田各有差

國朝洪武四年

田地一萬二千五百四十一頃四十三畝

七分

夏稅絲二萬七千九百二十兩六錢八分

八釐三毫

麥二萬一千六百七十四石八斗六升五